

## 34. gr.

Húsbréfadeild hefur heimild til að hafna skiptum á húsbréfum fyrir fasteignaveðbréfi ef sýnt þykir að um málamyndagering sé að ræða.

## 35. gr.

Húsbréfadeild heimilar ekki nýja veðsetningu á veðréttum á undan fasteignaveðbréfi, sem hún hefur tekið við, nema getið sé um slíka veðsetningu í fasteignaveðbréfi.

## 36. gr.

Reglugerð þessi, sem sett er samkvæmt lögum nr. 97/1993 um Húsnæðisstofnun ríkisins, öðlast þegar gildi.

Jafnframt fellur úr gildi reglugerð nr. 201/1997, um húsbréfadeild og húsbréfavíðskipti.

*Félagsmálaráðuneytinu, 4. september 1997.*

**Páll Pétursson.**

*Ingi Valur Jóhannsson.*

## REGLUR

### um útfyllingu aðflutningsskýrslu og gjaldfærslu aðflutningsgjalda þegar miðlari kemur fram gagnvart tollyfirvöldum við tollafgreiðslu í umboði innflytjanda.

*Almenn ákvæði.*

## 1. gr.

Miðlari, flutningsmiðlari eða rekstraraðili tollvörugæmslu eða frísvæðis, sem annast gerð aðflutningsskýrslu í umboði innflytjanda skal fylla út reiti 1, 6, 7 og 10 í aðflutningsskýrslu (eyðublað E-1) eins og kveðið er á um í reglum þessum. Sama gildir um SMT-aðflutningsskýrslur eftir því sem við á, sbr. reglugerð nr. 309/1992 með síðari breytingum.

Reglur þessar gilda um almennar vörusendingar, safnsendingar, hraðsendingar, tollafgreiðslu vara úr tollvörugæmslum og af frísvæðum og bráðabirgðatollafgreiðslu eftir því sem við á í hverju tilviki.

Að öðru leyti gilda um útfyllingu aðflutningsskýrslu ákvæði reglugerðar nr. 228/1993, um tollskýrslur og fylgiskjöl þeirra, svo og önnur fyrirmæli um útfyllingu aðflutningsskýrslu.

*Útfylling reits 1 í aðflutningsskýrslu - Gjaldfærslubeiðni.*

## 2. gr.

Ef miðlari óskar eftir að álögð aðflutningsgjöld verði gjaldfærð á innflytjanda skal hann gefa það til kynna í aðflutningsskýrslu. Gjaldfærslubeiðni á innflytjanda skal gerð með því að skrá lykिलinn **GI** í fremsta svæðið í reit 1 í aðflutningsskýrslu.

Feli gjaldfærslubeiðni miðlara í sér skuldfærslu aðflutningsgjalda á innflytjanda ber miðlara að hafa til þess skriflegt umboð, nema innflytjandi annist sjálfur á tollafgreiðslustað greiðslu eða skuldfærslu aðflutningsgjalda og fái þar afhendingarheimild.

Sé gjaldfærslubeiðni samkvæmt 1. mgr. sett fram skulu aðflutningsgjöld skuldfærð á innflytjanda samkvæmt þeim greiðslufrestsheimildum sem innflytjandi hefur en önnur gjöld staðgreidd.

Miðlara er heimilt að setja fram gjaldfærslubeiðni í aðflutningsskýrslu, þótt innflytjandi hafi engar heimildir til greiðslufrests gjalda, í þeim tilgangi að greiðslukvittun verði stíluð á innflytjanda við tollafgreiðslu.

Þegar miðlari setur fram gjaldfærslubeiðni í aðflutningsskýrslu skal greiðslukvittun frá tollstjóra eða pósthúsi stíluð á innflytjanda, sem greiðanda, jafnframt því sem nafn þess miðlara er annaðist gerð skýrslunnar skal þar tilgreint.

### 3. gr.

Setji miðlari ekki fram gjaldfærslubeiðni á innflytjanda samkvæmt 2. gr. skulu aðflutningsgjöld gjaldfærð á miðlara til staðgreiðslu eða skuldfærð á hann samkvæmt þeim heimildum sem miðlari kann að hafa til greiðslufrests aðflutningsgjalda. Greiðslukvittun tollstjóra eða pósthúss skal í þessu tilviki stíluð á miðlara sem greiðanda en jafnframt skal nafn viðkomandi innflytjanda koma þar fram.

### 4. gr.

Miðlara er heimilt að setja fram gjaldfærslubeiðni þegar tegund tollafgreiðslu í aðflutningsskýrslu er almenn tollafgreiðsla (AL), einfaldari tollmeðferð (ET) eða hraðsending (HS), sbr. miðhluta í reit 1, enda sé um að ræða tollafgreiðslu almennra vörusendinga, safnsendinga, tollafgreiðslu vara úr tollvörugeymslu eða af frísvæði eða fullnaðartollafgreiðslu hraðsendinga.

Einnig er heimilt að setja fram gjaldfærslubeiðni við bráðabirgðatollafgreiðslu (B\*) vörusendingar og fullnaðartollafgreiðslu hennar til þess að greiðslukvittun verði þá stíluð á viðkomandi innflytjanda. Aðflutningsgjöld koma þó alltaf til staðgreiðslu þegar vara er bráðabirgðatollafgreidd.

### *Útfylling reita 6, 7 og 10 í aðflutningsskýrslu.*

### 5. gr.

Miðlari skal fylla út reiti 6, 7 og 10 í aðflutningsskýrslu svo sem hér segir:

- a) Í reit 6 skal rita nafn innflytjanda.
- b) Í reit 7 skal rita kennitölu innflytjanda.
- c) Í reit 10 skal miðlari rita nafn sitt og heimilisfang, kennitölu og símanúmer. Tilgreina skal virðisaukaskattsnúmer þess aðila, miðlara eða innflytjanda, sem aðflutningsgjöld verða gjaldfærð á

### 6. gr.

Reglur þessar, sem settar eru samkvæmt heimild í 15. gr. tollalaga nr. 55/1987 með síðari breytingum og 20. gr. reglugerðar nr. 228/1993, öðlast gildi 1. október 1997.

*Ríkistollstjóri, 9. september 1997.*

**Sigurgeir A. Jónsson.**